

Bosna i Hercegovina  
Federacija Bosne i Hercegovine  
Kanton Središnja Bosna / Srednjobosanski kanton

#### KANTONALNI SUD U NOVOM TRAVNIKU

Broj: 06 0 K 007244 22 Kv 5

Novi Travnik, 07.06.2022. godine

Kantonalni sud u Novom Travniku u vijeću sastavljenom od sudaca Darmin Avdić, kao predsjednik vijeća, te Lazarela Porić i Vesna Vujica, kao članovi vijeća uz sudjelovanje zapisničara Erme Jusić, u kaznenom predmetu osuđenog N.S. zbog kaznenih djela ubojstvo iz članka 166. stavak 1. Kaznenog zakona Federacije Bosne i Hercegovine i teška krađa iz članka 287. stavak 1. točka a) u svezi sa člankom 31. Kaznenog zakona Federacije Bosne i Hercegovine, odlučujući o molbi navedenog osuđenika za prekid izdržavanja kazne zatvora, temeljem odredbi članka 57. stavak 4. i 5. Zakona o izvršenju kaznenih sankcija u Federaciji Bosne i Hercegovine („Sl. novine F BiH“ br. 44/98, 42/99, 12/09 i 42/11), na nejavnoj sjednici vijeća održanoj dana 07.06.2022. godine donio je slijedeće:

#### RJEŠENJE

Molba osuđenog N.S. za prekid izdržavanja kazne zatvora, koju kaznu izdržava po pravomoćnoj presudi Kantonalnog suda u Novom Travniku broj: 06 0 K 007244 18 Kv 4 od 16.11.2018. godine, odbija se kao neutemeljena.

#### Obrazloženje

Ovom sudu se molbom za prekid izdržavanja kazne zatvora obratio osuđeni N.S., koji se nalazi na izdržavanju kazne zatvora u trajanju od 8 godina i 9 mjeseci po pravomoćnoj presudi ovog suda broj 06 0 K 007244 18 Kv 4 od 16.11.2018. godine, koja je potvrđena presudom Vrhovnog suda Federacije BiH broj 06 0 K 007244 18 Kž 5 od 16.01.2019. godine, a zbog počinjenih kaznenih djela ubojstvo iz članka 166. stavak 1. Kaznenog zakona Federacije BiH i teška krađa iz članka 287. stavak 1. točka a) u svezi sa člankom 31. Kaznenog zakona Federacije Bosne i Hercegovine.

Osuđeni u navedenoj zamolbi od 24.05.2022. godine navodi da mu je prekid izdržavanja kazne zatvora u trajanju od 2 mjeseca potreban radi pomoći majci pri obavljanju poljoprivrednih poslova jer iste sama nije u mogućnosti obaviti iz razloga što je izvršila sadnju veće količine usjeva, slabijeg je zdravstvenog stanja, a otac je preminuo 24.08.2020. godine za vrijeme dok se osuđenik nalazio na izdržavanju kazne zatvora. Dalje navodi, da se na izdržavanju kazne zatvora nalazi 4 godine i 3 mjeseca, u KPZ-u je cijelo vrijeme kvalificiran u grupu „A“, bez disciplinski prijava i prekršaja, angažiran na poljoprivrednim poslovima u vanjskom paviljonu.

Prilikom donošenja odluke po zahtjevu za prekid izdržavanja kazne zatvora osuđenog N.S., KPZ zatvorenog tipa Zenica broj: 01-09-3072/22 od 25.05.2022. godine dostavio je i potrebne podatke za prekid izdržavanja kazne zatvora sa

mišljenjem za osuđenu osobu N.S.. Prema tim podacima osuđeni izdržava kaznu zatvora u trajanju od 8 godina i 9 mjeseci, do sada je izdržao oko 4 godine i 11 mjeseci kazne zatvora, preostalo je još oko 3 godine i 10 mjeseci kazne zatvora, dok je redovan istek 17.03.2026. godine. Osuđeni se na izdržavanje kazne zatvora u Zavod sam javio, jedanput je disciplinski kažnjavao zbog prekršaja u prvim mjesecima izdržavanja kazne zatvora, dok je uspješno prošao adaptacijski period i uspostavlja potrebnu komunikaciju sa osuđenima. Trenutno je smješten na vanjskom paviljonu Zavoda i radno je angažiran na radnom mjestu sezonskog poljoprivrednog radnika na ekonomiji Zavoda gdje nisu evidentirane primjedbe od strane radnih instruktora. U dosadašnjem dijelu izdržane kazne zatvora nisu evidentirani problemi u ponašanju osuđenika. Duži vremenski period je svrstan u pozitivnu stimulativno-kvalifikacionu grupu „A“ koju bez većih problema održava. Resocijalizacija i preodgojni proces trenutno se odvija prema planu i programu uz potrebno učešće osuđenika, ali isti nije završen. Van zavodske pogodnosti ne koristi jer ima negativno mišljenje od strane Policijske stanice Novi Travnik, dok zavodske pogodnosti koristi u okviru stimulativno kvalifikacione grupe. U konačnom osnovanost molbe se prepušta na odluku nadležnom sudu kao nadležnom tijelu.

Odlučujući o osnovanosti ove molbe vijeće ovog suda je ocijenilo da molba nije utemeljena, odnosno da nisu ispunjeni uvjeti za odobravanje iste iz slijedećih razloga:

Odredbom članka 27. Zakona o izvršenju kaznenih sankcija u Federaciji Bosne i Hercegovine propisan je okvir razloga u kojima se po molbi osuđenog lica ili s njenim pristankom na molbu članova uže porodice ili na prijedlog nadležnog organa socijalnog staranja, može dozvoliti odlaganje izvršenja kazne i ova odredba se sukladno primjenjuje i kod prekida izdržavanja kazne zatvora u smislu članka 57. istog zakona. Člankom 27. stavak 1. tačka 3. citiranog Zakona predviđena je mogućnost prekida izdržavanje kazne zatvora ako je odlaganje potrebno radi izvršenja ili dovršenja izuzetno neodložnih poljskih ili sezonskih radova ili radova izazvanih elementarnim nepogodama ili drugim udesom, a obitelj osuđene osobe nema drugih članova obitelji sposobnih za rad, niti se zbog slabog imovnog stanja ili iz drugih opravdanih razloga može angažirati druga osoba za obavljanje ovih poslova. Prekid izdržavanja kazne zatvora po ovom osnovu se može tražiti najduže tri mjeseca kako je to i propisano člankom 27. stavak 2. Zakona o izvršenju kaznenih sankcija u Federaciji Bosne i Hercegovine.

Sadržaj molbe osuđenika upućuje na zaključak da on prekid traži kako bi majci pružio pomoć oko poljoprivrednih radova.

Za odlaganje izdržavanja kazne zatvora (u konkretnom slučaju prekid), iz razloga kojeg osuđeni navodi u molbi, neophodno je kumulativno ispunjenje uvjeta iz članka 27. stavak 1. tačka 3. Zakona o izvršenju kaznenih sankcija u Federaciji Bosne i Hercegovine, dakle pored potrebe obavljanja radova, da obitelj osuđene osobe nema drugih članova obitelji sposobnih za rad, niti se zbog slabog imovnog stanja ili zbog drugih opravdanih razloga može angažirati druga osoba za obavljanje ovih poslova. Odredbom članka 28. stavak 3. Zakona o izvršenju kaznenih sankcija u Federaciji Bosne i Hercegovine je propisano, da se u molbi moraju navesti razlozi i dokazi o činjenicama koje opravdavaju odlaganje, tj. prekid izdržavanja kazne zatvora.

Nakon uvida u molbu osuđenika i prilog uz molbu, sud nalazi da je molba osuđenika za prekid izdržavanja kazne zatvora u trajanju od dva mjeseca neutemeljena. Osuđenik se poziva na potrebu pružanja pomoći majci oko poljoprivrednih radova, a zbog činjenice da je puno posijala, a slabijeg je zdravstvenog stanja. Međutim, osuđeni u prilog svojim tvrdnjama sudu ne nudi adekvatne dokaze. Osuđeni uz svoju molbu nije priložio niti jedan dokument iz kojeg bi bilo vidljivo da ima nekretnina-poljoprivrednih površina na kojima je nešto posijano, eventualno dokument o radnoj sposobnosti majke, njenim imovinskim prilikama osuđeni nije ponudio nikakav dokaz, niti je ponudio dokaz da je majka slabijeg zdravstvenog stanja, niti da je slabog imovnog stanja pa nije u mogućnosti angažirati druge osobe, zatim u kakvim uvjetima i sa kim njegova majka živi, kojih je godina i kakvog zdravstvenog stanja, imaju li još djece i td., a osobito nema dokaza koji su to neodložni poslovi poljski ili sezonski koje je potrebno uraditi. Dakle, kako osuđenik u prilogu molbi za prekid izdržavanja kazne zatvora nije priložio dokaze kojima bi potkrijepio svoje navode, odlučeno je kao u izreci.

Iz naprijed navedenih razloga sud cijeni da je molba osuđenika neutemeljena zbog čega je odlučeno kao u izreci.

Zapisničar  
Erma Jusić

Predsjednik vijeća  
Darmin Avdić

POUKA:

Protiv ovog rješenja može se izjaviti žalba Vrhovnom sudu Federacije BiH Sarajevo u roku od 8 dana od dana prijema istog.